

სახელმწიფო უსაფრთხოებისა და კრიზისების მართვის საბჭოს აპარატი



სატენდერო დოკუმენტაცია
მსუბუქი მაღალი გამავლობის ავტომობილის მიმდინარე შეკეთების მომსახურების
შესყიდვაზე გამარტივებული ელექტრონული
ტენდერის საშუალებით

წინამდებარე სატენდერო დოკუმენტაცია შედგენილია "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ" სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე.

თბილისი

2015 წელი

ინსტრუქცია ტენდერში მონაწილეობისათვის

1. გამარტივებულ ელექტრონულ ტენდერში მონაწილეობისათვის – იხილეთ ვებ-გვერდი: www.procurement.gov.ge:

ა) „სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელო“;
ბ) სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“.

2. სატენდერო დოკუმენტაცია არ შეიცავს პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენის მოთხოვნას.

3. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში (დანართი #1), სატენდერო წინადადების წარმოდგენამდე.

4. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი უფლებამოსილი პირის მიერ და დამოწმებული ბეჭდით.

5. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში.

6. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

7. სატენდერო წინადადება, ასევე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნეს ქართულ ენაზე.

8. ალტერნატიული სატენდერო წინადადების წარმოდგენა არ არის დაშვებული.

9. სატენდერო დოკუმენტაციის შესახებ დამატებითი ინფორმაცია და განმარტებები შეგიძლიათ მიიღოთ შემდეგი საკონტაქტო პირისაგან: სატენდერო კომისიის აპარატის წევრი: დავით გაგუა, ტელ: 577102010
ელ. ფოსტა: dgagua@geo.gov.ge

ტექნიკური დავალება

სახელმწიფო უსაფრთხოებისა და კრიზისების მართვის საბჭოს აპარატის ბალანსზე რიცხული მსუბუქი მაღალი გამავლობის ავტომობილის ტექნიკური მომსახურება (სათადარიგო ნაწილებით).

1. ავტოტექნომომსახურების სერვის-ცენტრს უნდა გააჩნდეს მატერიალურ ტექნიკური ბაზა და მომსახურება უზრუნველყოს ქ. თბილისში;
2. ავტოტექნომომსახურების სერვის-ცენტრს უნდა ჰქონდეს მინიმუმ სამ წლიანი გამოცდილება ავტო ტექ. მომსახურების სფეროში;
3. ავტოტექნომომსახურების სერვის-ცენტრებს უნდა ჰყავდეს გამოცდილი ტექნიკური პერსონალი და ჰქონდეს:
 - ა) არანაკლებ 5 ავტომობილის ამწე ქალაქ თბილისში. დიაგნოსტიკის თანამედროვე აპარატურა, თვლების განშლის კუთხის გასწორების საკუთარი აპარატი;
 - ბ) ავტოტექნომომსახურების სერვის-ცენტრს უნდა შეეძლოს მინიმუმ ორ ერთეულ ძრავის (კაპიტალური შეკეთება) შეკეთების მომსახურების შესაძლებლობა;
 - გ) პირველადი მოთხოვნის მარაგი ადგილზე კერძოდ: ზეთები, ფილტრები წინა და უკანა ხუნდები.

4. მომსახურების გაწევის ვადები და პირობები

ძრავის კაპიტალური შეკეთება არაუმეტეს 10 კალენდარული დღე განსაკუთრებულ შემთხვევაში ურთიერთ შეთანხმებით გონივრულ ვადაში. ყველა ტიპის ელექტრო სამემკეთებლო სამუშაოები არაუმეტეს 5 კალენდარული დღე. ყველა ტიპის ტექნიკური მომსახურება არაუმეტეს 5 კალენდარული დღე განსაკუთრებულ შემთხვევაში ურთიერთ შეთანხმებით გონივრულ ვადაში. ავტოსათადარიგო ნაწილები რომელიც არ მოიპოვება ადგილობრივ ბაზარზე შეძენა მიწოდების და დაყენების ვადად განისაზღვრება არაუმეტეს 30 კალენდარული დღით განსაკუთრებულ შემთხვევაში ურთიერთ შეთანხმებით გონივრულ ვადაში.

5. ტენდერში მონაწილე პრეტენდენტმა უნდა გაითვალისწინოს შემდეგი:

- ა) ტენდერში გამარჯვებულ პრეტენდენტთან ხელშეკრულება გაფორმდება 10 000 (ათი ათასი) ლარზე, სატენდერო წინადადების ფასი კი წარმოდგენილი უნდა იყოს სატენდერო დოკუმენტაციის ფასთა ცხრილით (დანართი #1) მოცემული საქონლისა და მომსახურების ერთეულის ფასების ჯამურ ღირებულების შესაბამისად, მაგრამ არაუმეტეს ფასების ცხრილებში მითითებული სავარაუდო ღირებულებებისა; პრეისკურანტის სავარაუდო ღირებულება შეადგენს 187 609.20 (ასოთხმოცდაშვიდი ათას ექვსასცხრა ლარი და 20 თეთრი) ლარს;
 - ბ) ვაჭრობა გაიმართება ფასების ცხრილებში მოცემული საქონლისა და მომსახურების ერთეულის ფასების ჯამურ ღირებულებაზე;
- 5.1. პრეისკურანტში ავტოსატრანსპორტო საშუალების ტექნიკური მომსახურების რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტში ავტოსატრანსპორტო საშუალების ტექნიკური მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.
- 5.2. ავტომობილების მიმდინარე შეკეთების მომსახურება უნდა განხორციელდეს ეტაპობრივად, შემსყიდველის მოთხოვნის შესაბამისად ხელშეკრულების დადებიდან 2015 წლის 31 დეკემბრის ჩათვლით.

6. პრეტენდენტის მიერ სისტემაში უნდა იქნეს ატვირთული შემდეგი ინფორმაცია:

- 6.1. სატენდერო წინადადების ფასი, ფასების ცხრილი (მომსახურება, სათადარიგო ნაწილები) ავტომობილების შესაბამისად ფასების ცხრილის დანართი #1-ის მიხედვით.
- 6.2. პრეტენდენტის სარგებლობაში არსებული მატერიალურ-ტექნიკური და შრომითი რესურსების შესახებ ინფორმაცია ავტოტექნომომსახურების სერვის-ცენტრების მისამართების ჩვენებით.
- 6.3. ინფორმაცია მინიმუმ სამ წლიანი გამოცდილების შესახებ ავტოტექ. მომსახურების სფეროში (ხელშეკრულება ან მიღება ჩაბარების აქტი ან დოკუმენტი რომლითაც შესაძლებელი იქნება აღნიშნულის განსაზღვრა).
- 6.4. ინფორმაცია ავტოტექნომომსახურების სერვის-ცენტრის შესახებ ტექნიკური დავალების მე-3 პუნქტის ა), ბ), და გ) ქვეპუნქტების შესაბამისად.
- 6.5. ინფორმაცია მომსახურების გაწევის ვადების და პირობების შესახებ ტექნიკური დავალების მე-4 პუნქტის ა) და ბ) ქვეპუნქტების შესაბამისად.

6.6. ინფორმაცია შეცვლილ დეტალზე და გაწეულ მომსახურებაზე საგარანტიო ვადებისა და პირობების შესახებ (არ უნდა იყოს 6 თვეზე ნაკლები).

6.7. რეკვიზიტები დანართი #2-ის მიხედვით.

7. ანგარიშსწორების პირობები:

7.1. ანგარიშსწორება მოხდება უნაღდო ანგარიშსწორებით ლარში.

7.2. ანგარიშსწორება განხორციელდება ეტაპობრივად, მომსახურების გაწევის შემდეგ.

7.3. საავანსო ანგარიშსწორება არ გამოიყენება.

8. ფასწარმოქმნის ადეკვატურობის დასაბუთება:

8.1. გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-11 მუხლის 2¹ პუნქტის შესაბამისად, იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია უფლებამოსილია პრეტენდენტისაგან მოითხოვოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშგაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

პრეტენდენტის მობილური ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

ხელმოწერა _____

ხელშეკრულება სახელმწიფო შესყიდვის შესახებ #

ქ. თბილისი

----- 2015 წ

(წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი).

ერთი მხრივ, სახელმწიფო უსაფრთხოებისა და კრიზისების მართვის საბჭოს აპარატი (შემდგომში “შემსყიდველი”) მისი ადმინისტრაციული დეპარტამენტის დირექტორის მოადგილის მიხეილ ხაჩიძის სახით და მეორე მხრივ, ----- (შემდგომში “შემსრულებელი”) სახით, საქართველოს მოქმედი კანონმდებლობის საფუძველზე ვდებთ ხელშეკრულებას შემდეგზე:

მუხლი 1. ხელშეკრულების საგანი

ხელშეკრულების საგანს წარმოადგენს ავტომობილის მიმდინარე შეკეთების მომსახურების შესყიდვა (საჭირო სათადარიგო ნაწილებით და საპოხი საშუალებებით), ხელშეკრულებით გათვალისწინებული პირობების შესაბამისად, გამარტივებული ელექტრონული ტენდერის საშუალებით (CPV50100000, SPA)

მუხლი 2. შესყიდვის ობიექტი

2.1 შესყიდვის ობიექტია ავტომობილების მიმდინარე შეკეთების მომსახურება. ავტომობილები, მომსახურების და დეტალების ერთეულის ფასი, განისაზღვრება შემსრულებლის მიერ წარმოდგენილი დანართის შესაბამისად, რომელიც თან ერთვის წინამდებარე ხელშეკრულებას.

2.2. ხელშეკრულების 2.1. პუნქტში აღნიშნული დანართი - (-----) ფურცლად წარმოადგენს ხელშეკრულების განუყოფელ ნაწილს.

მუხლი 3. ხელშეკრულების საერთო ღირებულება

3.1 შესყიდვის ობიექტის (მომსახურების) ფასი განისაზღვრება ეროვნული ლარით.

3.2. შესყიდვის ობიექტის საერთო ღირებულება შეადგენს ---- (-----) ლარს დღგ-ს ჩათვლით.

3.3. ხელშეკრულების 3.2. პუნქტით გათვალისწინებულ ფასში შედის საქართველოს კანონმდებლობით გათვალისწინებული ყველა მოსაკრებელი და გადასახადი.

მუხლი 4. შესყიდვის ობიექტის ხარისხი და გარანტია

სატრანსპორტო საშუალების სწორი ექსპლუატაციის პირობებში შემსრულებელი იძლევა არანაკლებ 6 (ექვსი) თვე გარანტიას, სათადარიგო დეტალებზე და გასაწევ მომსახურებაზე, ასევე მომსახურება იქნება მაღალი ხარისხის, უპასუხებს ხელშეკრულების პირობებს და დააკმაყოფილებს შემსყიდველის მიერ განსაზღვრულ მოთხოვნებს.

მუხლი 5. შესყიდვის ობიექტის მიწოდების ვადები, ადგილი და პირობები

5.1. ხელშეკრულებით განსაზღვრული მომსახურების ვადა განისაზღვრება შემსყიდველის მოთხოვნის შესაბამისად ხელშეკრულებაზე ორმხრივად ხელმოწერიდან 2015 წლის 31 დეკემბრის ჩათვლით.

5.2. ხელშეკრულებით განსაზღვრული მომსახურების ადგილია შემსრულებლის ფაქტიური მისამართი:

მუხლი 6. მომსახურების მიღება-ჩაბარება

6.1. ყოველ ჯერზე, ფაქტიურად გაწეული მომსახურების შემდეგ მხარეებს შორის ფორმდება მიღება-ჩაბარების აქტი, რომლის საფუძველზეც “მიმწოდებელი” “შემსყიდველს” წარუდგენს ინვოისს და საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

6.2. შემსყიდველის მიერ გაწეული მომსახურების აღიარება (ცნობა) მოხდება ყოველ კონკრეტულ შემთხვევაში,

კონკრეტული მომსახურების გაწევის შემდეგ ორივე მხარისაგან ხელმოწერილი მიღება-ჩაბარების აქტისა და დადასტურებული საგადასახადო ანგარიშ-ფაქტურის საფუძველზე.

მუხლი 7. ანგარიშსწორების პირობები:

- 7.1. ანგარიშსწორება მხარეთა შორის ხორციელდება უნაღდო ანგარიშსწორების წესით, “მიმწოდებლის” მიერ მითითებულ საბანკო ანგარიშზე.
- 7.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, წარმოდგენილი ინვოისი და საგადასახადო ანგარიშ-ფაქტურა.
- 7.3. “მიმწოდებელთან” ანგარიშსწორება განხორციელდება ეტაპობრივად, 7.2. პუნქტით განსაზღვრული დოკუმენტების წარმოდგენიდან 20 (ოცი) კალენდარული დღის ვადაში.

მუხლი 8. მხარეთა უფლება-მოვალეობანი

8.1. შემსყიდველს უფლება აქვს:

შეამოწმოს შესყიდვის ობიექტის ხარისხის შესაბამისობა ხელშეკრულებით გათვალისწინებულ პირობებთან.

8.2. შემსყიდველი ვალდებულია:

მოახდინოს ანგარიშსწორება მიმწოდებელთან ხელშეკრულების დანართით გათვალისწინებული პირობების შესაბამისად;

8.3. შემსრულებელს უფლება აქვს:

მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4. შემსრულებელი ვალდებულია:

ბ) დაიცვას ხელშეკრულებით გათვალისწინებული ყველა პირობა.

გ) გააფრთხილოს დამკვეთი, როდესაც არსებობს მისგან დამოუკიდებელი გარემოება, რომელიც საფრთხეს უქმნის შესრულებული სამუშაოს ხარისხს.

დ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

მუხლი 9. მხარეთა პასუხისმგებლობა ხელშეკრულების დარღვევისას

9.1. ხელშეკრულების პირობების არაჯეროვანი/უხარისხო შესრულების შემთხვევაში, შემსრულებელს ეკისრება პირგასამტეხლო სახელშეკრულებო ღირებულების 2 (ორი) პროცენტის ოდენობით.

9.2. მომსახურების ვადის დარღვევის შემთხვევაში, შემსრულებელს ეკისრება პირგასამტეხლო ყოველ ვადაგადაცილებულ დღეზე სახელშეკრულებო ღირებულების 0,4 (ნული მთელი, ოთხი მეათედი) პროცენტის ოდენობით.

9.3. შემსრულებლის მხრიდან ხელშეკრულებით ნაკისრი ვალდებულებების შეუსრულებლობის შემთხვევაში, შემსრულებელს ეკისრება პირგასამტეხლო სახელშეკრულებო ღირებულების 5 (ხუთი) პროცენტის ოდენობით.

მუხლი 10. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2015 წლის 31 იანვრამდე.

მუხლი 11. ხელშეკრულების პირობების გადასინჯვის შესაძლებლობა

11.1 წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

მუხლი 12. დაუძლეველი ძალა (ფორს-მაჟორი)

12.1. მხარეები არ არიან პასუხისმგებელი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

მუხლი 13. სახელმწიფო შესყიდვის შესახებ ხელშეკრულების კონტროლი

ხელშეკრულებით ნაკისრი ვალდებულებების შესრულების კონტროლსა და მიღება-ჩაბარების აქტის გაფორმებას უზრუნველყოფს სახელმწიფო უსაფრთხოებისა და კრიზისების მართვის საბჭოს აპარატის ადმინისტრაციული დეპარტამენტის -----.

მუხლი 14. ხელშეკრულების შეწყვეტა

14.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება შემსრულებელისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის შემდეგ, თუ:

ა) შემსრულებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მთლიანად ან ნაწილობრივ ხელშეკრულებით ნაკისრი ვალდებულება.

ბ) შემსრულებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

14.2. ხელშეკრულების ცალკეული პირობების შეწყვეტა არ ათავისუფლებს შემსრულებელს ხელშეკრულებით ნაკისრი სხვა ვალდებულების შესრულებისაგან.

14.3. ურთიერთშეთანხმების აქტის საფუძველზე

მუხლი 15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს კანონმდებლობის შესაბამისად.

მუხლი 16. სხვა პირობები

16.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

16.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

მუხლი 17. მხარეთა რეკვიზიტები